

Dingtangatna **Man-gipa** **Ka-saani**



Amazing Facts
Poraiani

26



Ka-saanio

ong-on pilakkon dingtangata! Metra saksa an-tangni poraienggipa universityni kingsa dal-gipa English literature ki-tapko poraienggachim, ua uko poraianio namen aratbeenggachim aro gisiko chipatna namen neng-beenggachim. Indiba unikoa ua campuso saksa chadambe silgipa skigipako grongaha, aro uamang ta-raken ka-sagrikaha. Ru-utgijan, uni poraina jotton ka-enggipa ki-tapko segipara uni ka-saenggipaan ong-a ine ua ma-sina man-aha. Ua walo, ua tugija ki-tap gimiko bon-e poraiaha, aro indake aganaha, "Angni poraigiminrangoni ia ki-tapan nambatsranggipa ong-a!"

Uni chanchianikora maia dingtangaha? Uan ka-saani ong-a. Apsan daken, bang-an ia somoio Sastroko aratgipa, gisiko nangatgijagipa aroba ka-namgijagipa ki-tap gita nika. Indiba ia pilakan ia ki-tapko segipa baksa ka-sanapahaode dingtangatako man-a. Maikai indake ong-a uko ma-sina gita ia ka-tongko moatgipa Poraiani ko nibo!

1

Sastrokora sawa sea?

"Katchinike agangipa katchinikgiparang sandie nibeachim; chong-motan uamango donggipa Kristoni Gisik, Kristona ong-gni dukrangna, aro uarangko ja-rikgipa rasongrangna sakki on-soe, mai aro maironga salko u-iataha uko am-achim" (1 Pitor 1:10, 11).

Aganchakani: Sastroni ki-tap kinganti gimikon ong-nasipile – Niam Gitchamni ki-taprangmangba – Jisu Kristoni gimin agana. Jisu, a-gilsakko ong-ataha (Johan 1:1-3, 14; Kolosirangna 1:13-17), Niam Mingchikkungko seaha (Nehemia 9:6, 13), Isreal jatni Isol ong-aha (1 Korinthirangna 10:1-4), aro katchinikgiparangni seanirango dilaha (1 Pitor 1:10, 11). Uni gimin, Jisu Kristoan Sastroko segipa ong-a.



2

Jisu a-gilsakni manderangni bidingo maiko chanchibewala?

"Isol a-gilsakna inditan ka-saaha, Ua An-tangni saksa kamkam Depantekon on-jok, maikai Uo bebero-gipa sakanti gimagija jringjrotni janggiko man-gen" (Johan 3:16).

Aganchakani: Jisu an-ching pilakkan tipchanggijagipa ka-saanichi ka-saa jean pilak obostakon chena dakchaka.

3

An-ching maina Jisuna ka-saa?

"An-ching papi ong-engon Kristo an-chingna sichakaha"
(Romrangna 5:8) "An-ching ka-sara, maina Uan an-chingna
ka-sachengaha" (1 Johan 4:19).

Aganchakani: An-ching Una ka-sara maina Ua an-chingna sichakna gita chu-onggipa ka-saanichi ka-sachengaha – je somoion, an-chingara Uni bobilrangsa ong-engachim.

4

Chu-soksranggipa bia ka-e dongani aro Kristian janggi tanganio maidakgipa mandera-grikanirang apsana?

"An-ching jeko bi-a Uoniko man-a; maina an-ching Uni ge-etanirangko mania, aro Uni nikanio namnikako daka" (1 Johan 3:22).

Aganchakani: Namgipa bia ka-e donganio adita gelna man-gijagipa dakna nanganirang ngang, jedake jiksesani gisepo saksa sakgipinna kakket ong-grikanirang. Uarangna agre gipinrangkode nangchongmotgipa dake nikjanaba donga, indiba uarangko dakaniko jikgipa ba segipa namnikgenchimode uarangba nangchongmotgiparangan ong-a. Apsan daken Kristian janggi tanganio ba ong-a. Jisuni ge-etanirangara gelna man-gijagipa dakna nanganirang ong-a. Unbaksanaba Jisu An-tangni namnikgipa namgipa an-chingni dakna nanggnirangkoba Sastroo an-chingna bikote mesoka. Jedake namgipa bia ka-e donganio ong-a, uandaken Kristian janggi tanganio ba uarangko dakanio katchaagen jean an-chingni Ka-sagipa, Jisuko kusi ong-ata. Aroba an-ching Uko namnikatgijagiparangkoba gelna nanggen.

5

Uko namnikatgiparangko dakode mai ong-genchim, uani bidingo Jisu maiko agana?

"Na-simang Angni ge-etanirangko maniode, na-simang Angni ka-saon dongkamgen ... Angni katchaa maikai na-simangon ong-gen, aro na-simangni katchaa maikai chu-sokgen, uni giminan Anga na-simangna iarangko aganaha" (Johan 15:10, 11).

Aganchakani: Kristianrangni dakna nanganirangko ja-rikaniara gisik seng-gijan, gokani, kal-stekako man-ani aro niamko kingkot dake rakkianisa ong-a ine diabol a-kange agana. Indiba uan katchaanian gapaniko aro janggi tanganio suakpile pattianikosa ra-baa ine Jisu aganskaa (Johan 10:10). Diabolni tol-anirangko bebero-anichi "name janggi tanganio" ka-tongna saknaaniko aro janggi tanganio ong-gramaianikosa manderangna ra-baskaa.



6

Kristian janggi tanganio maina Jisu dintangmancha dakna nanganirangko an-chingna on-a?

Aganchakani: Maina uaranga:

- A. "An-chingni namgni panganan ong-gen" (**Deuteronomy 6:24**). Jedake namgipa ma-a paarang an-tangtangni dedrangna namgipa dakna nanganirangko skia, uandaken Jisuba An-tangni dedrangna namgipa dakna nanganirangko skia.
- B. An-chingko paponiko naljokatgipa ong-a (**Gitrang 119:11**). Satan aro pap a-jaona napangaoniko Jisuni ge-etanirang an-chingko champenga.
- C. Kristoni ja-kurangko maikai ja-rikna nangachim uko an-chingna mesoka (**1 Pitor 2:21**).
- D. Kakketgipa katchaaniko an-chingna ra-baa (**Johan 13:17**).
- E. An-chingni Una ka-saaniko parakna an-chingna cholko on-a (**Johan 15:10**).
- F. Sakgipinrangna namgipa dakmesokgipa ong-china an-chingko dakchaka (**1 Korinthirangna 10:31-33; Mati 5:16**).

*Kristian janggi tanganio
Sastroni ge-etanirang
Satanni ja-gao nanggnioniko
an-chingko chel-chaka.*

7

Jisuni agana gita, Kristianranga a-gilsak aro a-gilsaknirang baksa maikai nangrimna nanga?

Aganchakani: Uni ge-etanirang aro ku-pattianirang namen rongtala aro dintangmanchagipa ong-a:

- A. A-gilsakna aro a-gilsakni gamrangna ka-sanabe. Iano (1) be-eni skani, (2) mikronni skani, aro (3) janggi tangao gangbo dakanirangkoba man-chapa (**1 Johan 2:16**). Pilak paprang ia mingsaon ba bang-bate ia minggittamon ga-aka. A-gilsakna ka-sachina gita an-chingko dakmajona iarangkon Satan jakkala. Jensalo an-ching a-gilsakna ka-sachengna Abachenga, an-ching Isolni bobil ong-skaa (**1 Johan 2:15, 16; Jakob 4:4**).
- B. An-ching an-tangtango a-gilsakni dakrangko nangatgija rakkina nanga (**Jakob 1:27**).



WARACHAKA

8

A-gilsakni bidingo da-o ta-rake dakna nangchongmotgipa maia mikrakaniko Isol an-chingna on-a?

Aganchakani: Jisu indake mikrakata, "la a-gilsak gita ong-panabe" (**Romrangna 12:2**). Diabolde jangchigriko jrip dongaigipa ong-ja, ua dongdikgija Kristian sakantikon sinjetenga. Jisu gita (**Philippirangna 4:13**), an-ching diabolni dakchina agananirango kimkime jegalgiparang ong-na nanga, aro ua an-chingoni katanggen (**Jakob 4:7**). An-chingni daka rikanio maibakai uni "sinjetanirango" an-ching chena bil on-ahaon, ua somoimanchaon, nemen rimilbegipa biapo ga-soltapa gita chacha, uni tol-pinapaniona an-ching ga-soltapangna Abachenga. Kristian dakbewalkode jinmani daka rikachi ba chanchianichi baseani ong-ja, indiba Jisuni kattarangchlsaia

9

An-chingni chanchianirango maina an-chinga namen simsakbena nanga?

"Maina gisiktango uni chanchia gitan ua ong-a"
(**Toe Skianirang 23:7**).



Aganchakani: An-chingni chanchianirango an-ching namen simsakbena nanga maina an-chingni chanchianirang an-chingni dakgni kamrangko ong-kata. "Kristoko manichina pilak mangsongako" (**2 Korinthisrangna 10:5**) bamataniona ra-bana gita Isol an-chingko dakchakna skenga. Indiba Satan an-chingni chanchianirangona "a-gilsakko" ra-bana bimchipe kamko ka-enga. Iako ua an-chingni mingbonga common senserango jakkalesan mangmang dakna man-aia – dingtangmancha nikanichi aro knaanichi. Ua an-tangni nikani aro knaanirango an-chingni kosako sinjeta, aro an-ching uni dakmanjoanirango jegalkamjaode ua an-chingko namen apalbegipa gimaataniona dilanga. Sastro namen rongtale agana: An-ching jekon changni chang nia aro knaa ugitan an-ching ong-a (**2 Korinthisrangna 3:18**).

10

Kristian janggi tanganio adita dakna nanggnirangara maiarang?

"Jerang bebe ong-a, jerang mikchikima, jerang kakket, jerang rongtala, jerang namnikani, jerang nama inani, maiba namani ong-ode, maiba mitelani ong-ode, iarangko chanchibo" (**Phillipirangna 4:8**).

Aganchakani: Kristianrang pilak bebe ong-gijaoni, kakketgijaoni, tik ong-gijaoni, rongtalgijaoni, ka-sagijaoni aro namgijagipa kamrangoni an-tangtango dingtangatna nanga. Uamang iarangko gelgen:

- Pilak kakket dakgijanirango – to-giani, tol-ani, cha-uani, kragijako dakani, dakmajona miksongani, tol-e mitakani, aro cha-bokani.
- Pilak rongtalgijanirango – bia ka-gija turimani, til-ekani, nokdangni manderang baksa til-ekani, me-asa me-asaskako ba me-chik me-chiksakko til-ekani, namgijaniko niani, sel-tagija kattarangko aganani, til-ekani kattarangko aganani, ku-atogijagipa ka-dingna aganani, namgijagipa gitrangko knaani ba ring-ani aro doka dam-ani, chrok mesaani, aro TV aro dakmesokanirango mesokgipa bang-a namgijanirang.

- C. Je biapranang Jisuko an-ching baksa dongpaatjawa ua biapranngo, jedake nightclubrang (walni somoi chu ringram, cha-ram, chrok mesaram, namgijako dakram biap), chu dokanrang, joa kal-ramrang, katsusaram biaprang, aro uandakgiparang. Hai an-ching mingsing minggamgipa git ba doka damani aro chrok mesaani, TVni, aro dakmesokanirangko niramni kanbegnini gimin ma-sie ra-na adita somoirangko jakkalna.



Git aro Doka Dam-ani

A-gilsakni gita bang-a ring-ani ba doka dam-anirang (rap, country, pop, rock, heavy metal, aro chrokani musicrang) Satanchi namen rim-kepako man-aha. Uarangni kattarang namgijanirangko de-doronga aro toromna gisik skanirangko nosto ka-a. Git ba doka dam-ani bilni bidingo bebeko am-sandigiparang adita ong-chongmotgipa gisiko ngatbeanirangko am-sandie man-aha – (1) Uarang duk ba sukko u-iatgipa gita taningona napanga, je uarang chanchiani bil gita re-pakanga; (2) Uarang be-enni pilak bakni kam ka-anirangon nangdikea; (3) Knatimgipani ma-sijaon uarang uni ka-tongni rongchu su-aniko, rang-sita ta-rakaniko aro maikoba dakna miksongomanga dakataniona dingtangata; (4) Knatimgipani ong-ronga bewalo chanchianiko dingtangata aro una jadachanganiko ong-ata. Katta grigipa doka dam-animanga mandeni u-ianiko, gisikni skaniko aro chanchianiko dingtangata bil donga. Iako mingsinggipa git ring-giparang aro dogkipa dam-giparang paraken ku-rachaka. Rolling Stones minggipa dolni dilgipa, Mick Jagger indine agana: “Bilakbegipa gisikni skanini nang-ni be-enni bak gita re-anganiko na-a ma-sina man-a. Uan til-ekna skaniko bariata.”¹ Hall and Oates dolni John Oates indake agana, je “Rock ‘n’ Roll inon 99% til-ekani ong-a.”² Indakgipa doka dam-ani ba gitrang Jisuko namnikatgenma? An-chingni chasong gitalni doka dam-aniranga uamangni montol dakanio aro diabolko olakkianio jakkalgipa apsangipa doka dam-anirangon ong-a ine songsarekoni napagiparang an-chingna agana! Na-a an-tangko indake sing-e nibo: “Jisu angona re-bagenchimode, maidakgipa doka dam-ani ba gitko angara kusi ong-bee Uko ang baksa knatimpachina agangenchim?” Je doka dam-ani ba gitkon na-a name ma-sijachim ukode gelsrangai. (A-gilsakni doka dam-ani bidingo ning-tue am-sandianiko dakna sikgenchimode, Karl Tsatalbasidisi segipa Drums, Rock, and Worship ingipa ki-tapko Amazing Factsoniko brebo.) Jensalo an-ching Jisu baksa ka-sanapahaon, Ua an-chingni git ba doka dam-ani bibingo gisikni skanirangko dingtangata. “Ring-ani gitalko Ua angni ku-siko donaha, chong-motan an-chingni Isolk mitelako. Bang-an uko nikgen, aro knegen, aro Jihovao ka-donggen”

(Gitrang 40:3). Isol An-tangni manderangna bang-bea namgipa gitrangko aro doka dam-anirangko on-aha jerangan Kristian janggi tanganiko ka-dongatgipa didianiko, gital daktanianiko aro bilakaniko on-giparang ong-a. Jemangan diabolni mandera-gija bikotgipa git ba doka dam-anirangko knatimskaa uamangde janggi tanganio dal-batsranggipa pattianirangko gimaatenggiparang ong-enga.



A-gilsakni gita Chrok Mesaani

Til-ek an-chaaniona dilanggipa a-gilsakni chrok mesaanirang gelna man-pilgija, Jisu aro kakketgipa toromo janggi tangaoniko ekangata. Je somoion Israelrang sonani matchu bi-sani samtangtango chrok mesaaha, unon uamang mite olakkigiparang ong-aha maina uamang Isolkon gualsrangahachim (Reongkata 32:17-24). Je somoion Herodiasni demechik chu pegkipa Herod Rajani mikkango chrokaha, Johan Napbolatgipako sko sotahe (Mati 14:6-10).

TV, Dakmesokanirang, aro Internet

Nang-ni TV-o, dakmesokaniko niram biapo, aro interneto nienggiparanga nang-ko on-atama, ma chuata? Uarangna nang-ko Jisuna bang-bate ka-sabataona dilangama – ma a-gilsakonasa? Uaranga Jisuko rasong chaatama – ma Satanni namgijagipa kamrangkosa? Kristian ong-gijagiparangmanga bang-a TV aro dakmesokgiparangni kosako jegale agananiko daka. Satan billionrangni mikronrangko aro nachikolrangko rim-kepaha, je iako dakanichi, a-gilsakni ning-joljol namgijako dakaniona, niam pe-aniona aro ka-donga gri ong-aniona changni chang bikpilatengaha. Changsa am-sandie nianio indake nikna man-aha je TV dongjaode “United Stateso chang 10,000 mande so-otaniang, chang 70,000 drae til-ekaniang aro 700,000 doka satanirang bilsio komigenchim.”³ Jisu, jean nang-na ka-saachim, Satanni an-chingni chanchianirangni kosako ganggopenggiparangko nang-ni mikronrangoniko ra-galchina aro nang-ni mikronrangko Uo donchina nang-ko aganenga. “Angchiko nie jokatako man-bo, pilak a-ani ki-tikrang!” (Isaia 45:22).

¹ Newsweek, “Mick Jagger and the Future of Rock,” January 4, 1971, jak 47.

² Circus, January 31, 1976, jak 39.

³ Newsweek, “Violence, Reel to Reel,” December 11, 1995, jak 47.

11

TV-ko nianio Jisu maidakgiparango an-chingna sulsul see on-aha, jerangkon an-ching an-chingko dilgipa dake jakkalna man-gen?

"Be-enni kamrang parak ong-a, ua iarang, tileka, rongtalgija gang-a, mite dakaniko olakkia, montol daka, ma-mantina bobil donarang, saigrika, mikbuarang, ka-agaparang, susaarang, dingtang dakarang, ma-mal ekarang, mikbokarang, mandeko so-otarang, pekarang, chrok mesaarang, aro uagita gipin gipin; jedake skango Anga aganaha, ... iarangko dakgiparang Isolni songnokko man-rikjawa" (Galatirangna 5:19-21).

Jekoba nianina naljokgipa dilanide indake sing-anian ong-gen: "Angara ia dakmesokanikoa, Jisuko ang baksa nipachina kusi ong-e agana man-genma?"

Aganchakani: Ma-sisretjana gita Sastro namen rongtalbee agana. Kosako janapgipa paprangko mesokgipa ba uarango dakaona sokatgipa pilak TV-ni dakmesokanirango nokdango dondikatangenchimode, nianiko nina bang-gijasan dongaignokchim. Jisu nang-ona re-bagenchimode, maidakgipa TV-o dakmesokanirango na-ara kusi ong-bee Uko nang baksa nipachina agangenchim? Pilak gipin dakmesokanirangde Kristianrangni nina namemanchan kragijagiparang ong-a.

12

Jisuko man-chape, darangni ku-pattianikoba ra-gija da-alo bang-an toromni gita baseanirango an-tangari dakna ka-dongtoka. Uandakgipa manderangni giminra Jisu maiko agana?

Ang-ni baseani aro Tv rangko nianio an-tangni ska gita ongija Sastroo ni ge-eta gita ong-na nangen

Aganchakani: Jisuni jajaa gri agangipa ia kattarangko knatimbo: "An-chingni ia salo, iano, pilak dakani gita, chong-motan sakanti an-tangni nikanio namako, na-simang dakna nangja" (**Deuteronomy 12:8**). "Badiaba re-aniko mande srongnika, indiba uani bon-kamara siani rama ong-a" (**Toe Skianirang 16:25**). "Gisik grigipani re-ani an-tangni nikanio nama; indiba ku-pattiako knachakgipa gisik gnanggipa ong-a" (**Toe Skianirang 12:15**). "Ka-tongtangna ka-donggipa gisik seng-gijagipa ong-a" (**Toe Skianirang 28:26**).



13 An-chingni janggi tanganio dakmesokani aro manderangni gisikko salani gimin Jisu, maidagpipa gisik nange mikrakatanirangko on-a?

“Je mande anggo bebera-gipa ia chongiparangoni saksako ja-gidotatgen, uni gitoko jatani ro-ong dal-gipako kadingdee uko sagal tu-ao dubiatan una nambata” (Mati 18:6). Darang mandeba “maikai jongadani ramao nangtinganiko, ba ja-gidotaniko” donjachina (Romrangna 14:13). “An-chingoni pilakba an-tangna tangja” (Romrangna 14:7).

Aganchakani: An-ching dilgiparangni, dal-dalgipa manderangni aro mingsing mingamako man-giparangni nama dakmesokaniko nikna aro uamangni dakmesokanirangko gisik seng-e jakkalna ka-dongsoa. Indiba ia cha-songni a-gilsako, an-ching ia niksenggipa manderangni simsakgijagipa aro ra-chakna man-gijagipa kamrangchi pangnan ka-donga gri ong-ronga. Uandaken Jisuba, an-tangtangni dakmesokanina aro manderangko gisik nangatanina simsakgijagipa Kristianrangna, uamangni indake dakachi manderangko Uni songnokoniko dilsretanio kenbegni donga ine gisiko nange mikratanimrangko daka!

Chola ba-rarangko aro sona-rupani natapsi, naringrot, jakstem, jaksan ba gitoko gananirangko ganani bidingo

Jisuni an-chingna on-gipa dakna nanggnirangara maiarang?



Aganchakani:

- A. Sontole Ganbo Chinbo.** **1 Timothy 2:9, 10** ko nibo. Gisik rabo je a-gilsakni rongtalgijagipa kam cholonranga an-chingni janggi tanganiona be-enni skaniko, mikronni skaniko aro janggi tanganio gaorade-aniko ra-baa (**1 Johan 2:16**). Sontolgija gangipa chingiparang ia minggittamkon man-chapa aro uarangko Kristianrangna beng-ani ong-a.
- B. Sona-Rupani Natapsi, Naringrot, Jakstem, Jaksan ba Gitoko Gananirangko Galbo.** “Janggi tanganio gaorade-anian” iano neng-nikani ong-a. Jisuko ja-rikkiparangde dingtangtegiarang ong-na nanga. Uamangni kam cholonrang sakgipinrangna seng-aniko ra-anga (**Mati 5:16**). Uandakgipa gananirang rasongko aro de-doaniko an-tangona salbaka. Sastroo, toromoni ga-akangkiparangni aro toromko jegalgiparangni ja-pang ja-dilara ian ong-a. Mesokna gita, jensalo Jakobni nokdang an-tangtangni janggi tanganiko Isolna on-kangtaiahaon, uamang indakgipa gananirangko gope galaha (**Abachenga 35:1, 2, 4**). Israelrangni Ku-rachakgimin A-songona napna skang, indakgipa gananirangko ra-galchina Jihova agana (**Reongkata 33:5, 6**). **Isaia odai 3** o Isol indake agana je, indakgipa gananirangko (**pod 19-23** o janapgimin naderongrang, jaksanrang, skoo pa-tapanirang, jakstemrang, aro uandakgiparang) gananichi, Uni manderang paprangko ka-a (**pod 9**). **Hosea 2:13** o Jihova agana je, jensalo Israel jat Uko watgalahaon, uamang indakgipa gananirangko ganaha. **1 Timothy 2:9, 10 aro 1 Pitor 3:3** o, WatatarangPaul aro Pitor, uamang sakgni indake skiaha je Isolni manderangde sona, hira aro dam rakgipa bosturangchi an-tangtangko nitoatjawa. Isolni An-tang manderangni gananiko nangnikgipa gananirangni gimin Pitor aro Paulni agananiko ka-sapae ma-sie ra-bo: “Sontol aro tom-tomgipa gisik” (**1 Pitor 3:4**) aro “krara nama kamrang” (**1 Timothy 2:10**). Jisu, **Parape-a 12:1** o iakon An-tangni kakketgipa mondoliko mesokanichi salko (Jisuni teng-suani aro toromibeani) gangipa rongtalgipa me-chik gita, aro ga-akgimin mondolikoa sona, damrakgipa ro-ongrang aro hirarangchi krugimin dari me-chik gita (**Parape-a 17:3, 4**) kan-dike agangopaha. Isol An-tangni manderangko Babylononi dintang dakchina agana (**Parape-a 18:2-4**) aro – indakgipa gananirang jerangan an-tangona rasongko salbakachim uarangko man-chape – uarang pilakan miksonga, aro uni palo an-tangtango Jisuni toromi ong-aniko ganchina. Jensalo an – -ching Jisuna ka-saa, Uni janggi tangani bewalrango janggi tanganian pilakna bateba katchabatani ong-a.



15

Dakbewal aro katta maniara maikai janggiko jokatani baksa nangrimea?

Aganchakani: Kristian dakbewal aro katta manianian an-ching Jisu Kristochi jokaha ine sakkirangko on-giparang ong-a (**Jakob 2:20-26**). Kakketko agangenchimode, mande an-tang janggi tangani dakbewalko dingtangtjaskal, ua dingtang ong-anio kakketgipa ong-na amja. Dingtangatako man-gimin manderangde, pilakon Jisuni skaniko nikanio aro Ua jechi dila uko ka-sroke ja-rikanio uamangni dal-batsranggipa katchaaniko man-gen.

Mite Dakanina Simsakbo

WatatarangJohanni skanggipa chittio Kristian dakbewalni gimin janapa. Ua chittini bon-ao (**1 Johan 5:21**), Jisu An-tangni nokkol Johanchi an-tangtango mite dakaoniko rakkichina an-chingna mikrakataniko daka. Iano Skigipa, jeba an-chingni Una ka-saaniko dondikatgipa ba komiatgipani bidingo aganenga – jekai chasongni dakbewal aro ganding chindingrang, nang-ni gamrang, dakdapani ba nitodapatanirang, namgijagipa dakmesokanirang, uandakgiparang. Kakketgipa dingtang ong-ani chong-motgipa bite, ba kamni bitede Jisuko kusi ong-e ja-rikanio aro Uni janggi tangani bewalrangko dakpaanisa ong-a.



16

Kristian dakbewalni kosako an-chinga sakantini ra-chakaniko nisengna nangama?

Aganchakani: Nangja. Isolnirang a-gilsakna gokani ong-a ine Jisu agana maina manderang gisikni u-ianirang chu-ongja (**1 Korinthisrangna 2:14**). Jensa lo Jisu dakbewal ine aganon, Uni Gisikchi dilaniko am-sandienggiparangna dakna nanggnirangko Ua on-eng. Uni manderang Uni ku-pattianiko dal-nikgen aro katsroke ja-rikgen. Sakgipinrangde uko ma-sija ba ra-chakjanaba donga.





17

Jisuni janggi tangani bewalrangko jegalgipa mandea salgiko maidake nikatgenchim?

Aganchakani: Uandakgipa manderangde salgio kusi ong-jawa. Uamang indake jerikitanirangko dakgen je uano walo ringe cha-e, chrok mesae an-sengani biaprang dongjawa, peggipa ringanirang dongjawa, til-ek an-chaaniko nika niani bosturang dongjawa, tangkana til-ek an-chaanirang dongjawa, til-ek an-chatgipa git ba doka dam-anirang dongjawa, kal-stekanirang dongjawa, ba joa kal-anirang dongjawa. Jisu baksak ketgipa nangrimgrikani donggijagipa manderangnade salgian “norok” ong-aigen. Kristoni janggi tangani bewalrang uamangna orto grigipasa ong-aia (2 Korinthingna 6:14-17).

18

Ia Sastroni dakna nanggnirangko angara maikai jerikitani gri ba niamko kingkot maniani gita nikgija ja-rikna man-gen?



Aganchakani: An-chingni pilak dakgnirango mingsa didiatgipa miksonganisan ong-na nangaia: uan Jisuna ka-saaniko mesokani (1 Johan 3:22). Jensalo an-ching an-chingni janggi tanganichi manderangna Jisuko de-doe mesoka ba paraka (Johan 12:32), bang-an Uona salbaako man-gen. An-chingni mingsa sing-anide pangnan, “lara [git ba doka dam-ani, ringani, TVni dakmesokani, movie, ki-tap, aro uandakgiparang] Jisuko mandera-ani ong-genma? Inesa ong-na nanga. An-chingni janggi tangani somoi antion aro pilakko dakon an-ching Jisuko nikgiparang nanga. Jensalo an-ching Unbaksa somoiko re-aton, Ugitan an-ching ong-a (2 Korinthingna 3:18) – aro an-chingni samtangtango donggipa manderang skangni sninggiparangna uamangni agana gita uamangba an-chingna aganchakgen: “Uamang aiao inmanaha; aro uamang Jisu baksachim ine uamangko u-iaha” (Watatarang 4:13). Je Kristianrangan indake janggi tanga uamang pangnaba cha-chipilgiparang, jerikitgiparang, ba niamko kingkot mania gita nikgiparang ong-jawa. Niam Gitchamni salrango, Isolni manderanga pangnan toromko jerikitringgiparang gita ong-pilachim maina uamanga Isolni uamangna gualani gri gisik gnange janggi tangani bewalrangko mesokaniko ja-rikani pal uamangni samtangtango donggipa Kristian ong-gijagiparang gitasa janggi tangna baseahachim (Deuteronomy 31:16; Bichal Ka-giparang 2:17; 1 Serikani 5:25; Ezekiel 23:30). Ia chasongoba ia apsan obostan ong-engga. Darangba gitel sakgnina dangdikna man-ja (Mati 6:24). Jemangan a-gilsak aro uni janggi tangani bewalrangko rim-kingkinga, uamangde uni skanirangko dapkachina Satanchi ka-sine nolanganiko man-gen aro indaken salgiko jegalaniona aro gimaaniona tarigiminrang ong-gen. Iarangoni bikpile, jemangan janggi tanganio Jisuni ge-etanirangko ja-rikskaa uamangde Uni bimangona dingtangatako man-gen aro salgina tarigiminrang ong-gen. Iano jatchio janggi tangani dongja.

19

Kristian janggi tanganina Uni ge-etanirangko ja-rikanio kusi aro katchaaniko man-a gita na-ara Kristona indakpile ka-sana skengama?

Nang-ni Aganchakani:

Nang·ni Sing·anirangna Aganchakaha

1. **Angni janggi tangani bewalni bidingo Isol angko maiko dakchina nangnikachim ukode anga ma-sienga, indiba anga iako dakanio a-bachengna skujaenga. Iani bidingo na-ara maiko agangen?**

Aganchakani: Iako da-alon dakna a-bachengboha! Pangnaba nang-ni gisikni u-ianio pangchakna nangja. Isol, Sastroi kattarangchi ramako dila (**Isaia 8:20**). Gisikni u-iania an-chingko ong-gramaianiona dilronga. Ua Jihudi dilgiparang Jisuko datkapna nanga inesa gisiko u-itoka, indiba uamang ong-gijakosa dakaha. Jisuni gnigipa changna re-bapilna skang, bang-an an-tangtango jokmanaha inesa u-itokgen, indiba uamang uani palo gimagiparanga ong-skagen (**Mati 7:21-23**). Gisikni u-ianirango diabol bil gnange kam ka-a. An-ching an-chingni gisikni u-ianio pangchakaigenchimode, ua an-chingko niasitgniona dilanggen.

2. **Badiabarangkode anga namemanchan dakna skachim. Indioba, haida uko dakaniko kosakgilgil nikanio saobarang anga namgijjako dakenga ine chanchinaba dongakon ine anga chanchia. Angara maiko dakbo?**

Aganchakani: “Pilak ma-manti namgijjarangoniko an-tangtango rakkibo” (**1 Thessalonikarangna 5:22**) ine Sastro agana. Aro WatatarangPaul indake agana je miterangna on-kanggimin cha-anirangko uni cha-anichi sakoba ja-gitotatode, ua mamungsaloba ua cha-anirangko dangdiktaijawaha (**1 Korinthirangna 8:13**). Ua indakeba angakua, ua ja-gitota man-gipani chanchianiko ramram dake ra-genchimode aro ua be-enrangko cha-angkugenchimode, ua papko ka-enga.

3. **Mondolirango dakna nanggnirangko bang-dame agana aro dakna nanggijanirangkoba bang-dame agana ine angade nika. Uarang angna dim-penggipa pakma gita ong-a. Jisuko ja-rikania iarang pilakna bate nangchongmotgipa ong-jama?**

Aganchakani: Oe – Jisuko ja-rikanian nangchongmotgipa ong-a. Indioba, Jisuko ja-rikanio saksa sakgipinni gisepo dingtangrikani donga. Jisuko ja-rika inani miksonganiko jajagija namedake ma-sina gitade, jedakgipa sing-anirangAbachenga Jisuara maiko Sastroo agana uko am-sandie nianian ong-a. Jemangan Jisuni ge-etanirangko ka-sae ja-rika uamang ru-utgijan salsao Uni songnoko napegen (**Parape-a 22:14**). Jemangan mandeni-dakgipa niamrangko ja-rikachim uamangde Uni songnokoni dilsretangko man-ani chol donga (**Mati 15:3-9**).

4. **Adita Isolni nangnikanirangkode orto gri and nangchongmotgijagipa gita nika. Maina uarang namen nangchongmotgiparang ong-gen?**

Aganchakani: Ma-a paani mitam agananirangko bi-sarang orto gri gita nikaia (jekai, “Ramao kal-nabe” ine agananirangkode). Indiba adita bilsirangni ja-manode, indakgipa agananirangna ma-a paako uamang mitelpilgen! Isol baksa toatode an-chingara “bi-sarangsang” ong-aia, maina jedake salgi a-gilsakna chubata uandaken Uni chanchianirang an-chingni chanchianirangna bate chubata (**Isaia 55:8, 9**). Adita an-chingni ma-sisokgijanirango an-ching an-chingni ka-sabegipa salgini Pao ka-dongchakna nanggen aro Uni nangnikani ong-genchimode an-ching “ramao kal-na gita nangjawa.” Ua an-chingoniko pangnaba mamung namanirangko ra-rikjawa (**Gitrang 84:11**). Jensalo an-ching Jisuna kakket ong-e ka-saahaon, an-ching ua jajaenggipani namgniko Una on-gen aro an-ching ma-sisokjaengoba Uni skako an-ching dakaigen. Gital atchitaianian chabi ong-a. Sastro indake agana je jensalo an-ching atchitaiahaon, an-chingna a-gilsakko cheanio mamung neng-nikani dongjawaha maina dingtangatako man-gimin mandede pilakon Jisuko kusi ong-en ja-rikna ka-dongchakaigen (**1 Johan 5:4**). Ua maina nangnikengachim uko namedake ma-sijaani giminsa an-chingni Jokatgipao an-ching ka-dongchakgijaniko mesokanga, uni giminsa an-ching Uko ja-rikna jechakenga.

5. **Jisuni ka-saan gapgipa niamrangoniko, dakna nanggnirangoniko aro ge-etanirangoniko angara namgniko man-genma?**

Aganchakani: Ong-chongmota! Jisuni on-gipa dakna nanggni, niam, ba ge-etani mingantion bebera-na ampilgijagipa pattianirang donga. Jensalo, itihaso bang-batsrange tottery man-gipako Una katta manigipa dedrangna Isolni bang-bea pattianirang baksa toaton uan gamchatgijagipasa ong-aia. Jisuni niamrangko ja-rikanio adita namgniranga iarangan ong-a:



1. Jisuni nang baksa dingtangmanchagipa ripeng ong-ani.
2. Jisuni nang baksa kam ka-rimgipa ong-ani.
3. Dos gnangaoni jakgitelani.
4. Gisikni tom-tom ong-ani.
5. Kenanirangoni jakgitelani.
6. Agansokpilgijagipa katchaani.
7. Janggi tangani bakroani.
8. Salgio biapko man-na jajaani gri ka-dongani.
9. Nambata an-seng baljokani.
10. Churing chupekani aro gipin pekani gri ong-ani ba miksele dongani.

Gam gnangani gimin aganengama! A-gilsako man-e cha-batsranggipa mandeni brena man-gijagipa gamkoba kakketgipa Kristian uni salgini Paaoniko man-a ama.

6. Janggi tangani gadang aro dakbewalni bidingo, sakgipin manderangko dosi gnang ine mesokna anggo daito gnangma?

Aganchakani: An-chingna nambatsranggipa dakna nanganide an-tangni janggi tangani bewalko nipilanian ong-a.

"An-tangtango nie nibo," ine Sastro **2 Korinthingra 13:5** o agana. Jensalo ong-na nanga gita tiktak an-chingni janggi tangani bewalrang ong-a, an-chingni dakmesokani ku-rang gri sakkiko on-a aro an-ching darangnaba ku-aganna nangani dongja. Beben, ma-paaranggo dedrangtangtanga maikai Jisuko ja-rikna nangachim uko u-iatna dingtangmanchagipa daito gnang.

7. la chasongo Kristianrangna dal-batsranggipa mitam kenbegnirangara maiaarang?

Aganchakani: Dal-batsranggipa knebegnirangoni, an-tangni kakketanirangko bak dakanian ong-a. Bang-a Kristianrangon sakgnina ka-saani donga jean ka-tongko bak gni dakata: Jisuna ka-saani aro a-gilsaknirangna ka-saani, aro uan paparigipa dakbewalrang ong-a. Bang-an maikai uamang a-gilsakko sepaang chapchap ja-rikachim uko nikeba an-tangtango Kristianrang ine chantokkuenga. Ian kam ong-jawa. Darangba "gitel sakgnini nokkol ong-na amja" ine Jisu mikrakata (**Mati 6:24**).

8. Indioba janggi tanganio dakna nanganirangko ja-rikania niampo manikingkotani ong-jama?

Aganchakani: Saoba janggi jokna ine uko dakjaskal uan manikingkotani ong-ja. Janggiko jokatanide aiao inmanpilgipa, Jisuni indin on-anichisan mangmang ong-aia. Kamchi (ba janggi tanganio dakna nanganirangchi) janggi jokna kreganide janggiko jokatanian ong-srangja. Indioba, an-ching jokmanahani gimin aro Una ka-saani giminsa Jisuni janggi tanganio dakbewalrangko ja-rikode uan pangnaba niampo manikingkotani ong-ja.

9. Kristian janggi tangani gadangara, na-simangni seng-ani teng-suchina ine Jisuni ge-etgipa baksa namrimama?

Aganchakani: Ong-chongmota! Kakketgipa Kristianara seng-ani ong-a ine Jisu agana (**Mati 5:14**). Ua indake agana, "Uandake manderangni mikkango na-simangni seng-a teng-suchina, maikai uamang na-simangni nama kamko nika na-simangni salgio donggipa Paako rasong chaatna man-gen" (**Mati 5:16**). Seng-aniko na-a knana man-ja; na-a uko nikasa nika! Manderang Kristianni seng-aniko uni dakbewalo nikgen – jedakke, ganding chindingo, cha-a ringanio, agangrikanirango, chanchibewale dakanio, ka-sachakanio, rongtal an-talanio, nama kamo aro kakketanio – aro uandakgipa janggi tangani bewalna uamang sing-sandigen aro Kristoonaba dilangako man-ani chol donga.

10. Kristian dakbewalara jatni dakbewalming apsan ong-jama? Uarang sal somoini baksa dingtangatako man-a nangjama?

Aganchakani: Jatni bakbewalrangde dingtangatako man-a amaia, indiba Sastroni dakbewal kimkime dongkama. "An-chingni Isolni katta jringjrotna mangrakgen" (**Isaia 40:8**). Kristoni mondolide dilgipasa ong-na nanga, ja-rikgipa ong-ja. Ua jatni dakbewalchi, manderangni bewalchi, aro sal somoini dingtanganichi ganggopaniko man-na nangja. An-ching mondoliko manderangni dakbewalko dakpaaniona ra-onna nangja, indiba uni palo, Kristoni rongtalgipa dakbewalonasa ra-doskana nanga. Mondolian a-gilsak gita janggi tangaiode, aganaide, a-gilsak gita nikpaide aro a-gilsakni dabewalrangko ja-rikpaide, sawasa

uko dakchakna re-anggen? Jisu bilakbegipa okamaniko An-tangni manderangna aro mondolina indingipa kattarangchi watata, "Uamangni giseponi re-ongkatbo, aro dingtang ong-bo, aro rongtalgiyako dangdiknabe; unon anga na-simangko ra-chakgen" **(2 Korinthirangna 6:17)**. Jisuni mondolide a-gilsak baksa ja-rikpaani ong-ja, batesa uko chegipa ong-na nanga. "A-gilsako" namgijagipa billionni billion manderang donga. Mondoli uni ong-siano bakrimpana nangja. Mondoli kimkime chadengna nanga aro, ka-sachakan gaggipa ku-rangchi, Jisuko knatimchina aro Uni dakbewalrangona re-bachina manderangko okamna nanga. Jensalo knatimgipa mande Jisu baksa ka-sanapahaon aro uni janggiko jakkalchina Una on-kangahaon, Jokatgipa aiao inmangipa kamrangchi una nangngiparangko dingtangtgen aro Isolni pangkamgipa songnokona uko naljokate rimanggen. Salgiona darang gipin rama gri.

11. Pilak chrokanirangde namgijani ong-chongmotja. Isolni mikkango Daud chrokjama?

Aganchakani: Ong-a – pilak chrokanirangde namgijani ong-ja. Daud, Uni pattianirangna rasong on-aniko mesokani gita Isolni mikkango bilchroka aro chroka **(2 Samuel 6:14, 15)**. Ua an-tangariba chroka. Daudni chrokana ua ja-kora mandeni chrokani baksa apsana jean Jisuni bimungo Pitochi an-sengatako man-ani ja-mano kusi ong-e bilchrokachim **(Watatarang 3:8-10)**. Undakgipa chrokanirangko, ba bilchrokanirangko, a-rik sanalanirangko man-enggiparangko dakchina Jisu didia **(Luk 6:22, 23)**. Me-chik-me-asa chrokani (jean rongtalgiyaona aro nokdangko be-gruataona dilanggenchim) aro til-ek an-chaaniona sokatgipa chrokanirangko Sastro beng-a.

12. Manderangni saksa sakgipinko bichal ka-grikani gimin Sastro maiko agana?

Aganchakani: "Bichal ka-nabe, maikai na-simangko bichal ka-jawa. Maina je bichalchi na-simang bichal ka-a, uachi na-simangko bichal ka-gen" **(Mati 7:1, 2)**. "Uni gimin O bichal ka-gipa mande, na-a jeba ong-bo, nang-ni pa-skani gri; maina na-a sakgipinko bichal ka-on na-a an-tangko, matnanga; maina na-a bichal ka-gipan apsanrangko dakronga" **(Romrangna 2:1)**. Iana bate baditana rongtale agandapugen? Iano Kristianrangna an-tangkosan ong-nikaiani ba pa-sikani dongja. Jisusa bichal ka-gipa ong-a **(Johan 5:22)**. Jensalo an-ching sakgipinrangko bichal ka-on, Kristoni bichal ka-gipa ong-ani gadangko drae ra-sekgiparang aro Uni bobil chongiparang ong-skaa **(1 Johan 2:18)** – ian ning-tue chanchina nangchongmotgipa ong-a!

Nang.ni agananiko ba sing.anirangko iano sebo

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao inmangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabe!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: "Sakgipin" Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjawa

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. Parenthesis-o ong.gipa number-rang (1) badita ming aganchakanirang ong.a uko mesoka.

Form-ko gapatna “Adobe reader” ko jakkalbo.

1. **Janggi tanganina on-gipa Jisuni ka-saan gaggipa niamrangko, jensalo Una ka-saahaon uarangko kusi ong-en ja-rikna skaignok. (1)**
Ong-a. Ong-ja.
2. **Anga Jisuni janggi tanganio dakbewalrangko ja-rikenga, maina anga jokmanaha aro Una ka-saaniara niamko manikingkotani ong-a. (1)**
Ong-a. Ong-ja.
3. **Sastroko segipa chong-motde Jisuan ong-a. (1)**
Ong-a. Ong-ja.
4. **“A-gilsakna ka-sanabe” inani ortoara an-ching ka-sana nangja ine ong-a. (1)**
A-songtanga
A-gilsakna an-chingni planet gita
Papna, namgijana, aro Isolni rama ong-gijana aro a-gilsaknirangna
5. **Maina Jisu an-chingna dingtangmanchagipa ge-etanirangko, niamrangko aro dakna nanggnirangko on-aha? (5)**
Pangnan an-chingni namgnina.
Jedakode an-ching sakgipinrangna namgipa dakmesokanirangko dakna man-gen.
An-ching jakgitelaniko ra-angna gita.
Jedakode an-ching Kristoni ja-kurangko ja-rikna man-gen.
An-chingko paponiko naljokatna.
An-chingko dokol ka-na gita.
An-chingna chong-motgipa katchaaniko ra-bana.
6. **Chong-motgipa Kristian dakbewalna baseani minggni namgipa dakgnirangara: (2)**
Satro maiko agana uko an-sandie nikani.
Mondolini memborrhng maiko dakenga uko niani.
Nang-ni sing-nirangna aganchakgipa, Ouija boardni ku-pattianiko ra-ani.
Gissikni skani gita Jarikbo
Jisuara maiko dakgenchim uko an-tango sing-ani.
7. **Satan an-chingni mingbonga common sengerangko jakkalesan mangmang an-chingko dakmajona man-aia. (1)**
Ong-a. Ong-ja.
8. **Ka-mao on-sogiminrangoni badiagipa Kristianni dakbewalrangko Jisuni dingtangmancha ku-pattianirangko aro dakna nanggnirangko on-a? (5)**
Maikai gana china nanga.
An-seng baljoke janggi tanganio bidingo.
Nitodapatna ganani bidingo, jakai jaksan, nadirong, aro uandakgipa.
Olympic skiing
Cha-a ringani bidingo.
Planeo bilani bidingo.
Nokko breani bidingo.
Dakmesokani aro sakgipinrangko gisik nangatani bidingo.
9. **Maikai dakbewal aro katta maniani janggi jokatanio nangea? (1)**
An-ching an-chingni dakbewal aro katta manianichisa jokatako man-a.
Jokatako man-gimin manderang dakbewal aro katta maniano simsakgija salgichi re-na tarie dongna nangaiaha.
Nama dakbewal aro katta manianirangan mande dingtangaha, ba atchitaiaha ine sakkiko on-a.
10. **Anga Jisuni watgalchina agangiparangko watgalna jechakode – jedake nitodapatna gananirang, rock music, ba TVni rongtalgijaniko nianirang – Isol uarangko mite dakani ine chana. (1)**
Ong-a. Ong-ja.
11. **Kristian janggi tanganiara namgipa bia ka-e dongamung apsan ong-a jeon jensalo an-chingni ka-sagipako namnikatna an-chingni miksongani ong-on ua chu-sokgipa ong-a. (1)**
Ong-a. Ong-ja.
12. **Ka-mao on-sogiminrangoni badia minggittamchi Satan manderangko papon dilanga? (3)**
Uamangni Sastorangko uamangna donuanichi.
Janggi tanganio gangbo dakanichi.
Salgio kattarangko seanichi.
Be-enni skanichi.
Mikroni skanichi.

13. Chanchianio simsakbeaniara namen
nangchongmotgipa ong-a maina chanchianirang
kamona pil-na man-a. (1)

Ong-a.

Ong-ja.

14. Jisuko kakkete ja-rikanio adita namgnirangko
ku-rachakaniranga iarangan: (7)

Maikai katchinikna nangachim na-a uko u-igen.

Na-a bakrobate janggi tanggen.

Na-a agansokpilgijagipa katchaaniko man-gen.

Na-a an-seng baljokbatgen.

Nang-ni knirang gipokjawa.

Na-a millionaire ong-gen.

Na-a jajrenga gri salgio biapko man-a ka-donggen.

Na-a kenanioni jagkitelgen.

Na-a Jisuko paltangni ripenggipa gita man-gnok.

Na-a gisikni gita tom-tom ong-gen.

15. Angni dakbewal sakgipin Kristianko saknaatode,
angara maiko dakgen? (1)

Uko namrengaibo. Darangba sakantikode namnikatna
man-jawa.

Uko mingprakprak dake an-sandibo.

Ua mandeko a-pal galna jotton ka-bo.

Mande jatna aganbo jedakode nama namgijako basena
chol mangel

Saknaatgipa kamko dontongbo.

16. Sastroni ku-pattianiko knatimanina bate
ramatangko re-na mangsonggipa mandekoa Jisu
badine ina? (1)

Jakgitele chanchigipa mande.

Gisik seng-gipa mande.

Goka.

17. Kristian janggi tanganio Jisuni dakbewalko
jegalgipa mandede (1)

Jensalo salgiona sokon namgipa gisiknirangko rang-gitik
namnikna Abachengaigen.

Rongtalgipa songjinmao napena adita salrang skang
an-tangni ka-tong rakanina gisik pil-gen.

Salgio kusi ong-jawa.

18. Anga Kristona inditan ka-sana skenga jedakode
anga Kristian janggi tanganio Uni niamrangko
kusi ong-e aro katchae ja-rikna man-gen.

Ong-a.

Ong-ja.

Kosako sing.anirangna bon.e aganchakbo!

AMAZING FACTS

India

Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :

Nang.ni Email :

Phone Number :

Nang.ni Address :

City, District :

State :

Country :

Pin :

Bilsi :

Misi :

Nang.ni contact info-ko tik dake on.bo